


起世因本經



二百五十九
取八

49557



佛日增輝
德合輪常轉
山披州王女寺法金剛院置

七
年
西
子
二
月
日
重
脩

帝
潛
緝
昌

起世因本經卷第八

隋三藏闍那崛多達摩笈多二法師共譯

三十三天品第八之餘

諸比丘若當有時諸外道輩或復波利婆羅
闍迦來向汝處問汝等言諸長老輩何因何
緣有一種人爲彼非人之所恐怖有一種人
復不爲彼非人恐怖其諸外道作是問者汝
等應當如是報言諸長老輩此有因緣何以
故世間之中有一種人習行非法彼有邪見
有顛倒見彼等旣行十不善法說不善法念
不善法邪見顛倒以作此十不善法故護生
之神漸漸捨離如是等輩若百若干唯留一

神揔而守護譬如牛羣或復羊羣若百若干
其傍唯有一人守視如是如是護神少故恒
爲非人之所恐怖有一種人言語如法不行
邪見不顛倒見彼等旣行如是十善正見正
語修習善業是一一人則有無量若百千神
來共守護以是因緣此人不爲非人之所恐
怖譬如國王若王大臣其一一人則有若百
若干人輩之所守護

諸比丘世間人輩有如是等姓名者其非
人中亦有如是等諸名字諸比丘人間所有
山林川澤國邑城隍村塢聚落居停住處其
非人中亦有如是舍宅之名諸王坐處諸外

丘一切街巷四衢道中屈曲陌等或屠膾坊
或復空窟並悉不虛皆有衆神及諸非人之
所依止又復尸陀林壑之中及諸惡獸所行
道路悉有非人凡一切樹高一尋圍一尺即
有神祇在上依住以爲支提諸比丘一切世
間若男子及女人從生已來有諸天神常隨
逐行不相遠離唯習行惡及命終時方始捨
去略說如上

諸比丘閻浮提人有五種事勝瞿陀尼何等
爲五一者勇健二者正念三者閻浮佛出世
處四者閻浮是修業地五者閻浮行梵行處
其瞿陀尼有三事勝閻浮提人何等爲三一

者饒牛二者饒羊三者瞿陀居饒摩居寶其
閻浮提有五種勝弗婆提人略說如前其弗
婆提有三事勝閻浮提人何等為三一者彼
洲最極大故二者彼洲廣含諸渚三者彼洲
甚微妙故其閻浮提有五種事勝鬱多囉究
留五種如上其鬱多囉究留有三種事勝閻
浮提何等為三一者彼人無我我所二者壽
命最極長故三者彼人有勝行故其閻浮提
有五種事勝閻摩世諸衆生輩亦如上說其
閻摩世有三種勝閻浮提人何等為三一壽
命長二身形大三有自然衣食活命閻浮提
人有五種勝龍金翅鳥五種如前龍及金翅

有三種勝閻浮提人何等為三一壽命長才
身形大三宮殿廣閻浮提人有五種事勝阿
脩羅如前所說其阿脩羅有三種事勝閻浮
提何等為三一者長壽二者色勝三者受樂
多如是三事最為殊勝

諸比丘四天王天有三事勝一宮殿高二宮
殿妙三者宮殿最勝光明三十三天亦三事
勝何等為三一者長壽二者色勝三者多樂
如三十三天其夜摩天如兜率陀天化樂天他
化自在天魔身天等當知悉有三種勝事如
忉利天勝閻浮提人其閻浮提有五種勝諸
天龍輦如上所說汝應當知

諸比丘此三界中有三十八諸衆生類何者
是其三十八種諸比丘欲界之中有十二種
色界中有二十二種無色界中復有四種諸
比丘於中何者是其欲界十二種類所謂地
獄畜生餓鬼人阿脩羅四天天王天三十三天
夜摩天兜率陀天化樂天他化自在天魔身
天等此名十二何等色界二十二種謂梵身
天梵輔天梵衆天大梵天光天少光天無量
光天光音天淨天少淨天無量淨天遍淨天
廣天少廣天無量廣天廣果天無想天無煩
天無惱天善見天善現天阿迦膩吒天等此
二十二屬於色界其無色界四種者謂空無

邊天識無邊天無所有天非想非非想天此
四屬無色界

諸比丘其世間中有四種雲白雲黑雲赤雲
黃雲諸比丘其四種中白色雲者多有地界
黑色雲者多有水界赤色雲者多有火界黃
色雲者多有風界汝等應當作如是知諸比
丘世間復有四種大天何等為四所謂地多
大天水多大天火多大天風多大天諸比丘
曾於一時地多大神發是惡見心自念言於
地界中無有水火及以風界諸比丘我今時
詣彼地天邊告彼地多大天神言汝天實有
如是惡見云地界中無水火風三大界也彼

答我言實。余世尊我復告言。汝天莫作如是惡見。何以故。彼地界中實有水火。及以風界。但於其中地界最多。是故地界偏得名字。諸比丘。我能知彼地多大。天發如是念。斷其惡見。今彼歡喜於諸垢中。得法眼淨證果。覺道無有結惑。度疑彼岸。無復煩惱。不隨他教。隨順法行。而白我言。大德世尊。我今歸依佛法。聖僧大德。世尊。從今已後。我當奉持優婆夷戒。乃至命盡。更不殺盜及非法等。歸佛法僧清淨護持。諸比丘。復有一時。水大天神亦如是念。生於惡見。言水界中無有地界及火風界。我知其意。往詣彼邊。問水天言。汝實余

不荅言實尔我復告言汝天莫作如是惡見
其水界中盡有地火及以風界乃至火天風
天亦尔俱有此見佛既知已悉往詰問並荅
佛言實尔世尊佛開其意皆得悟解歸依三
寶悉隨順行略說如前地太天神除疑一種
來向我邊諸比丘此等名為四大天神

諸比丘世間有雲從地上昇在虛空中或有
至一俱盧奢住或二或三俱盧奢住乃至六
七俱盧奢住諸比丘或復有雲上虛空中一
踰闍那或二三四至五六七踰闍那住
諸比丘或復有雲上虛空中百踰闍那乃至
二三四五六七八百踰闍那住而住者或復

有雲從地上空千踰闍那二三四五六七千
踰闍那住乃至劫盡

諸比丘或時外道波利婆羅闍迦來向汝邊
作如是問諸長老輩有何因緣虛空雲中有
是音聲諸比丘應如是答有三因緣共相觸
故空雲隊中有聲鳴出何等為三諸長老輩
或有一時雲中風界共於地界相觸著故自
然聲出所以者何譬如樹枝相揩火出如是
如是諸長老輩此是第一因緣出聲復次長
老或復有時雲中風界共彼水界相揩觸故
自然出聲亦如上說此是第二因緣出聲復
次長老或復有時雲中風界共彼火界相揩

觸故自然出聲略說乃至譬如兩樹相揩火
出此是第三出聲因緣應如是答諸比丘亦
應如是廣分別知

諸比丘或時外道波利婆羅闍迦來向汝邊
作如是問諸長老輩有何因緣虛空雲中忽
然光明出生閃電諸比丘汝等應作如是報
答諸長老輩有二因緣從虛空中雲裏出生
閃電光明何等為二一者東方閃電名曰無
享南方有電名曰順流西方有電名曰墮光明
北方有電名曰百生樹諸長老輩或復有時若
彼東方無享閃電共於西方墮光明電相觸
相着相揩相打以如是故從於虛空雲隊之

中出生光明名曰閃電此是第一閃電因緣
復次諸長老輩若彼南方順流閃電共於北
方百生閃電相觸相著相揩相打以如是故
出生電光譬如兩木風吹相著自然火出還
歸本處此是第二閃電因緣從雲隊中有光
明出

諸比丘立於虛空中有五因緣能障礙雨今占
候師不測不知增長迷惑記必應雨而天不
雨何等爲五諸比丘或復有時上虛空中起
雲動雷作伽茶伽茶瞿厨瞿厨聲或出閃電
或復有吹涼冷氣來如是種種皆是雨相其
占察人及天文師等悉剋此時必當降雨

尔時羅睺羅阿脩羅王從其宮出即以兩手
撮彼雨雲擲置海中諸比丘此是第一雨障
因緣而天文師及占候者不見不知心生疑
惑記天剋雨而遂不雨

諸比丘或復有時虛空起雲雲中亦作伽茶
伽茶聲亦出閃電亦復有吹涼冷氣來時

文人及占候者見是相已記天此時剋當作
雨尔時火界增上力生於彼中間雨雲燒滅
此名第二雨障因緣彼天文人不見不知心
生迷惑記天必雨而遂不雨

諸比丘或復有時虛空起雲雲中亦作伽茶
伽茶聲亦出閃電亦復有吹涼冷氣來時天

文人及占候者見是相已記天此時刻當作
雨但以風界增上力生則吹彼雲擲置於彼
迦陵伽磧中或復擲著檀茶迦磧中或復擲
置摩登伽磧中或復擲著空曠野中或復擲
著摩連那磧地此名第三雨障因緣彼天文
人不見不知心生迷惑記天必雨而遂不雨
諸比丘又復有時虛空起雲而其雲中亦作
伽茶伽茶之聲出生閃電吹冷氣來其占候
者記天必雨然彼行雨諸天子輩有時放逸
以放逸故彼雲不得依時降雨既不依時雲
自消散此是第四雨障因緣以是義故諸天
文人心生迷惑記天必雨而遂不雨

諸比丘又復有時空中起雲而天亦作伽荼
伽荼之聲亦出閃電吹涼冷風彼天文人等
記剋當雨然此閻浮提世間人輩其中多有
不如法行耽樂諸欲慳貪嫉妬邪見所纏彼
等人輩以惡行故習非法故樂著欲故貪嫉
競故天則不雨諸比丘此名第五雨障因緣
其天文人及占候等不見不知心生迷惑記
天必雨而遂不雨諸比丘是名五種雨障因
緣於其中有優陀那偈

華法色壽命

衣服并賣買

嫁娶三摩提

四種飲食等

二行晡沙他

上下名三界

雲色諸天等

俱盧舍鳴電

起世因本經鬪戰品第九

諸比丘我念往昔有諸天等共阿脩羅起鬪
戰時帝釋天王告其三十三天言諸仁者輩
汝等諸天若共阿脩羅戰鬪之時宜好莊嚴
善持器仗若諸天勝阿脩羅不如汝可生捉
毗摩質多羅阿脩羅王當以五繫縛已將向
善法堂前諸天集會處所置之三十三天聞
帝釋命依而奉行尔時毗摩質多羅阿脩羅
王亦如是告諸阿脩羅言若諸天等共阿脩
羅鬪天若不如即當生捉帝釋天王以五繫
縛將向七頭諸阿脩羅集會之處置立我前
時諸阿脩羅亦受教行諸比丘當於彼時帝

釋天王戰鬪勝故生捉阿脩羅以五繫縛至
善法堂天集會處帝釋前立當於彼時其毗
摩質多羅王作如是念願諸阿脩羅各自安
善我今不用諸阿脩羅輩我今在此共諸三十
三天一處同受娛樂甚爲適意當其毗摩質
多羅王與此念時即見自身五縛悉解諸天
種種五欲功德皆現其前又復有時作如是
念我今不用三十三天願諸天等各自安善
我當還歸阿脩羅宮殿起此念時其身五繫
即還自縛五欲功德忽然散滅
諸比丘彼毗摩質多羅阿脩羅王有於如是
微細結縛其諸魔縛復細於此所以者何諸

比丘邪思惟時即被結縛正憶念即便解脫
何以故諸比丘思惟有我是邪思惟思惟無
我亦是邪思乃至思惟我當有常我當無常
有色無色有想無想及非有想非無想等並
是邪思諸比丘此邪思惟是癱是瘡猶如毒
箭於其中有多聞聖者智慧之人知是邪思
如病如瘡如癱如箭如是念已繫心正憶不
隨心行令心不動多所利益諸比丘若念有
我則是邪念則是有爲則是戲論若念無我
亦是戲論乃至有色無色有想無想非有想
非無想悉是戲論諸比丘所有戲論皆悉是
病如癱如瘡猶如毒箭於其中有多聞聖者

智慧之人知此戲論諸過患已樂無戲論守
心寂靜多所修行

諸比丘我念往昔有諸天王共阿脩羅戰
鬪時帝釋天王告其四面三十二天作如是
言諸仁者葦宜善嚴備身諸器仗今諸阿脩
羅欲來戰鬪若諸天勝可生捉取毗摩質多
羅阿脩羅王以五繫縛將向諸天集會之處
善法堂前持見於我三十三天受帝釋命依
而奉行其阿脩羅亦如是教諸比丘當尔戰
時諸天得勝即以五繫縛阿脩羅將來詣向
善法堂前尔時毗摩質多羅阿脩羅王既被
五繫在天衆前見帝釋王來入善法堂中而

坐即便惡言諸種罵詈毀辱天主其天帝釋
有調御者名摩多離見阿脩羅毗摩質多羅
對衆惡言毀罵天主即便以偈白帝釋言
帝釋天王為羞畏
為當無勢故懷忍
聞於如是鹿惡罵
含受容耐都不言

尔時帝釋還以偈答摩多離言

我非羞畏故懷忍
誰能如我神策謀

亦非無力於脩羅
豈得同於彼無智

時摩多離復更以偈白天主言

若不嚴加重訶責

愚癡熾盛轉更增

若當折伏無智人

猶如畏杖牛奔走

今以縱之令彼樂

至其本處更憍高

是故明智示以威

顯現勇猛斷愚駭

今時帝釋復以偈答摩多離言

如斯之事我久知

為彼諸人愚癡故

彼以瞋嫌而罵詈

我聞堪能自制心

時摩多離更復以偈白帝釋言

帝釋天王願善思

如是之忍有一患

彼愚癡者如是罵

謂言怯畏耻不言

今時帝釋重復偈答摩多離言

愚癡種類隨心意

謂言畏彼我默然

若欲益身求利安

於彼等邊須有忍

如我意見彼惡罵

不應於瞋復起瞋

於瞋者邊報以瞋

如是戰鬥難得勝

若當為他所燒惱
應知此忍最為強
若自若他所興心
既被他人瞋罵已
若於自己及他邊
既知他瞋嫌罵已
如是二處利益心
若他意念是癡者
若有大力諸丈夫
如是忍人他讚歎
為彼無有智慧力
以愚癡故棄捨法

有力能忍者為難
如此忍時須讚美
皆求救拔大畏處
不應於彼起怨憎
如是二處應作益
能使自瞋轉得消
若自若他皆悉為
斯由不知法所因
能為無力故含忍
無力人邊忍不瞋
唯以愚癡力為力
如此人輩無正行

愚癡心生念我勝

瞋恚罵詈出麁言

能忍彼惡有常勝

是忍增上難具說

勝者語言畏不論

於等恐生怨故忍

聞下論說能忍者

此忍為諸智稱揚

諸比丘汝等當知彼時帝釋則我身是我於

尔時身作三十三天王自在治化受勝福報

縱任快樂恒常懷忍亦讚歎忍樂行調順無

有瞋恚恒常讚歎無瞋恚者諸比丘然今汝

等自說行中有信解心捨俗出家精勤不懈

汝等若於餘衆生邊能行忍辱讚歎忍者調

順慈悲常行安樂滅除瞋恚讚無瞋者諸比

丘汝等亦應作如是學

諸比丘我念往昔諸天衆等共阿脩羅各嚴
器仗欲鬪戰時。今時帝釋告天衆言。諸仁者。
輩若阿脩羅共諸天鬪。天得勝時。汝等可以
五繫縛之。如前所說。諸天奉教。阿脩羅王亦
勅軍衆。諸比丘。今時鬪戰。阿脩羅勝。帝釋天
王恐怖。不如背走。而還是時。馭者迴於千輻
賢調御車。欲向天宮。今時有一居吒奢摩梨
樹。其上有金翅鳥王巢。內有諸卵。帝釋見已。
告摩多離。調馭者言。

摩多離知樹上卵

爲我迴此車轆軸

爲阿脩羅寧捨命

勿令毀破諸鳥巢

時摩多離善調馭者。聞釋天王如是勅已。即

便右迴彼大千輻輪賢調御車路還指向阿脩羅宮諸比丘時諸阿脩羅見帝釋車忽然迴還謂言帝釋別有戰策更來欲鬪阿脩羅退各趣本宮諸比丘時帝釋以慈因緣諸天還勝阿脩羅不如諸比丘欲知今時天帝釋者今我身是諸比丘我於今時作天主領三十三天自在治化受勝福報猶能憐愍一切衆生爲其壽命而作利益起慈悲心汝等比丘以信捨家應當利益一切衆生諸比丘我憶往昔天阿脩羅欲戰鬪時今時帝釋告毗摩質多羅阿脩羅王言仁者我等且停種種器仗天及阿脩羅其中並各有智

慧者彼等悉能知於我等若善若惡說諸法
義但以善言長者取勝天共阿脩羅相推前
說尔時毗摩質多羅阿脩羅王即便在先向
天帝釋而說偈言

愚癡猛盛者

必須重訶責

折伏於無智

猶牛畏鞭走

愚癡無有樂

在處難調制

是故用嚴杖

速疾斷其癡

尔時毗摩質多羅阿脩羅王向天帝釋說此

偈已其阿脩羅諸眷屬等皆大歡喜稱歎踊

躍帝釋諸天及眷屬等皆默然任尔時毗摩

質多羅王告帝釋言汝大天王便可說偈尔

時天主向阿脩羅而說偈言

我明見此事。不欲共癡同。愚者自起瞋智者誰與諍。

尔時帝釋天王說此偈已三十三天及眷屬等皆大稱歎踊躍歡喜諸阿脩羅及其眷屬默然而住。尔時帝釋告毗摩質多羅阿脩羅王言：仁者可更辯說善言。時阿脩羅即向天主說偈報言：寂然忍辱意。帝釋我亦知。愚癡者勝時言我畏故忍。

尔時毗摩質多羅阿脩羅王說此偈已。諸阿脩羅及眷屬等皆悉踊躍稱歎歡喜。帝釋諸天并其眷屬默然而住。時阿脩羅告帝釋言：

仁者天主可更辯說如法善言。尔時天主帝

釋大王向阿脩羅衆說偈報言

愚癡者自隨 稱忍為畏彼 以此求自益

彼邊則無利 我意彼作惡 不應瞋彼瞋

於瞋能默然 彼鬪則常勝 若為他所惱

有力能忍者 當知如此忍 忍中最為上

無問自及他 皆求離畏處 若知他瞋已

不於彼起憎 二處作利益 若自若於他

他瞋嫌罵者 自瞋能消滅 二處作利益

若自若於他 他意念愚癡 斯由不知法

若有強力人 為彼無力忍 此忍為最勝

餘忍更無過 彼無智慧筋 唯有愚癡力

愚癡捨法故 自然失正行 愚癡自矜勝

瞋恚出惡言 若忍此罵時 彼則常有勝

聞高勝言忍以畏 於齊等忍恐生怨

為下惡罵能忍者 斯忍智人所稱讚

今時帝釋天王說此偈已三十三天并及眷

屬稱歎歡喜踊躍無量其阿脩羅眾皆各嘿

然時諸天中有智慧天阿脩羅中有智慧者

各集一處皆共量議此等諸偈詳審思念觀

察諦忍同稱讚已作如是言諸仁者輩今天

帝釋善說言辭彼等治化一切無有刀杖鞭

撻亦無諍鬪毀辱怨讎亦無言訟及求報復

於生死中有可患猷求遠離欲為寂滅故為

寂靜故得神通故得沙門故成就正覺得涅槃故諸仁者輩若彼毗摩質多羅阿脩羅王所說之偈無有如是善妙語言彼等一切唯有刀杖鞭打楚撻諍鬪毀辱言訟怨讎有求報復長養生死無可患厭貪著諸欲無求寂靜寂滅之行不希神通及沙門果無望正覺及以涅槃諸仁者輩帝釋天王所說之偈名為善說毗摩質多羅阿脩羅王所說之偈非是善說諸仁者輩帝釋天王所說之偈善說毗摩質多羅阿脩羅王所說之偈非是善說非是善說諸比丘汝等應知彼時帝釋即我身是諸比丘我持作彼忉利天王自在

治化受於福樂猶說善言以爲戰鬪由善言
故鬪戰常勝而今汝等諸比丘輩於我善說
法教之中淨心離俗捨家出家有精進行汝
等若求善說惡說教法之中欲取義者應如
是知

諸比丘我念往昔諸天王等共阿脩羅合戰
鬪時帝釋天王摧阿脩羅鬪戰勝已造立勝
殿東西縱廣五百由旬南北縱廣二百五十
由旬諸比丘彼勝殿外別有一百屋梨由河
而彼由河一一間內復各有七鳩吒伽羅皆
七寶成而其一一鳩吒伽羅內各置七房一
一房中安施七楡一一楡上有七玉女一一

玉女復各別有七女而侍其釋天王并及彼等諸玉女侍更無餘為食飲資須香華服玩一切樂具皆隨往業果報而受諸比丘三千大千世界之內所有天宮更無如是帝釋天王勝殿比類

爾時鞞摩質多羅阿脩羅王作如是念我有如是神德威力日之與月及三十三天彼等雖於我上轉行我力能取作耳環璫處處遊行曾於一時其羅睺阿脩羅王內心瞋恚熾盛煩毒意不歡喜則念鞞摩質多羅阿脩羅王爾時鞞摩質多羅阿脩羅王作如是念其羅睺阿脩羅王今念於我彼復自念其

所統領小阿脩羅王及諸眷屬小阿脩羅輩
時彼小王及諸阿脩羅知其鞞摩質多羅阿
脩羅王念已即各嚴備種種器仗詣向彼邊
到已在前各各而任念時鞞摩質多羅阿脩
羅王自服鎧甲持仗器取駕與其小王并諸軍
衆圍繞往詣羅睺羅阿脩羅邊到已而任

念時羅睺羅阿脩羅王復念踊躍并及幻化
二阿脩羅王念時二王知彼念已還如鞞摩
質多羅王所念小王并其所部知已各各嚴
備器仗向其王邊到已皆來詣於羅睺羅阿
脩羅王邊念時羅睺羅阿脩羅王自服種種
嚴身器仗共鞞摩質多羅踊躍幻化三阿脩

羅王并諸三王小王眷屬前後圍遶從彼阿脩羅城導從而出欲共忉利諸天戰鬪

尔時難陀優波難陀二大龍王從其宮出各以身繞須弥留山七帀動之動已復動大動遍動震已復震大震遍震涌已復涌大涌遍涌以尾打海其一滴水上至須弥留山頂上諸比丘於彼時天主帝釋作念已告天衆言汝等仁輦見此大地如是動不空中靉靄猶如雲雨又似輕霧決知阿脩羅欲共天鬪是時海內所住諸龍各從自宮種種嚴備持仗而出向阿脩羅前共其戰鬪勝者逐退徑至其宮其不如者恐怖背走往到地居夜叉等

邊到已告言汝等當知諸阿脩羅欲共天鬪
汝等今可共我向彼相助打破夜叉聞已嚴
持甲仗共龍往戰其勝者逐不如者退恐怖
而走詣向鉢足夜叉之所到已告言覆鉢夜
叉仁輦知不諸阿脩羅欲共天鬪汝等可來
共我相助往彼打之鉢足聞已嚴身持仗相
隨而去乃至退走往告持鬘諸夜叉等如前
不如退走往告常醉夜叉常醉聞已又復嚴
仗共持鬘等并力合鬪其有勝者逐入到宮
其不如者恐怖退走詣向四大天王等邊到
已諮白四天王言四大王仁輦當知諸阿
脩羅今者欲來共諸天鬪汝等應可共我相

助打彼令破其四天王聞常醉言即各持種種器仗駕馭而往乃至退走不能降伏是時四王即便上詣彼善法堂諸天集會議論處所啓白帝釋說如是言天王當知諸阿脩羅今者聚集欲共天鬪宜應向彼與其共戰時天帝釋從四天王聞是語已意中印可即喚一天摩那婆告言汝天子來汝今可往須夜摩天珊兜率陀并化自樂及他化自在諸天王等至彼處已爲我白言仁輦諸天若其知者諸阿脩羅欲共天鬪汝等仁輦應可助我來共向彼與其戰鬥時摩那婆聞釋語已即便向彼須夜摩天具白其事

尔時須夜摩天王從釋天使摩那婆邊聞是
語已心中即念彼須夜摩諸天衆輩時彼天
衆知其天王心念彼已即著種種鎧甲器仗
乘天種種所有諸騎各來詣向其天王邊到
已在前各各而立時須夜摩天王自身即著
種種天諸鎧甲持寶器仗與其無量百千万
數諸天子俱圍遶來下向須弥留山王頂上
在於東面豎純青色難降旗幡依峯而立
尔時彼使天摩那婆復上詣向珊兜率陁天
王之邊到已還白珊兜率陁天王如是之言
仁者當知帝釋天王有是啓白阿脩羅輩欲
共天鬪仁者願來助我往彼并力鬪戰彼兜

率隨天玉聞是語已即自念彼諸天子衆知
已悉來集兜率陀大天王邊到已即各嚴持
器仗乘種種騎相率圍遶下來到於須弥留
山於南面住無量百千萬衆雲集豎於黃色
難降旗旛依峯而立

尔時彼天摩那婆使又復更上向化樂天白

言仁者化樂天王當知帝釋有如是語其阿
脩羅欲共天鬪如前啓請乃至彼天與其無
量百千萬數諸天子來各嚴鎧甲種種騎乘
下來到於須弥留山西面豎於赤色難降旗
旛依峯而立如是上白他化自在諸天子等
一一如前時彼天衆嚴持器仗復倍化樂與

其無量百天子無量千天子無量百千天子
圍遶來下向須彌留山王北面豎於白色難
降旗旛依峯而立

尔時帝釋見上諸天並皆雲集心念空中諸
夜叉輦時虛空中諸夜叉衆各作是言帝釋
天主意念我等如是知已即相誡勅著甲持
仗嚴備身具皆各服之乘種種乘詣天帝釋
前一面而住時天帝釋又復念其諸小天王
井及三十三天眷屬如是念時並各著鎧嚴
持器仗乘種種乘詣天主前是時帝釋自著
重鎧甲器仗乘種種乘共空夜叉及諸小王
三十三天前後圍遶從天宮出共阿脩羅欲

戰鬪故

諸比丘諸天亦時共阿脩羅戰鬪之時有如
是等諸色器仗所謂刀箭鑊棒槌杵金剛鉞
箭面箭鏃箭鏃箭犢齒箭迦陵伽葉鏃箭微
細鏃箭弩箭如是等器雜色可愛七寶所成
金銀瑠璃頗梨赤真珠車渠瑪瑙等以彼諸
仗遙擲向彼阿脩羅身不著不害而懸徹過
於彼等身亦復不見瘡癍痕處唯觸緣故受
於害痛諸比丘其阿脩羅所有器仗共天鬪
時色類相似一種七寶之所成就者時徹過
亦無癍痕唯觸因緣受於害痛諸比丘欲界
諸天共阿脩羅戰鬪之時有如是一種種器

仗况復世間諸人輩也

起世因本經卷第八

取

城隍

下音皇

村塢

下音一

屠膾

上音俱

徒下

林壑

呼下

各渚

音焘詰問

一上起

隊

徒對

閃電

上音失

無享

下音希

兩磧

七音亦

策策

楚責

愚駭

下音語

解媯

惱

上音又

奴鳥

轅軸

二字音

巢

助交

迴旋

下音似

自矜

居下

陵鞭撻

上音必

鎧甲

上音

豎

下音

愛

二字音

逕

古作

經

珊

瓊

上音蘇

難降

下音

鑿

棒

上音

下音

鉞

上音

擊

音

鏃

祖木

弩

乃古

癩痕

上音

